

涇野先生文集

慕道如  
即愛民  
知子力  
返先輩  
厥致絕  
不事脂  
粉微近  
世長厚  
之名非

涇野先生文集卷之三十四

墓誌銘三

奉議大夫金華府同知思菴先生薛公墓誌

銘

正德三年春二月二十七日金華府同知渭南薛先生卒於家柩友李錦以書報京邸柩為之悼痛焉冬十一月其子乾操自其家持南叅政剡所撰狀請銘柩嘆曰果哉先生不復可得見矣先生生有異狀長大雄偉鬚髯修美腹有七赤瘕左膊一黑文字深入

必有正  
明而學  
付精詣  
百未必  
到此

膚衷生五歲愛讀書十一歲解屬文賦詩稍長言動  
必稱古道則先賢景泰七年為渭南學生居止不同  
流俗善為文章說理而華十六七即應鄉試應鄉試  
者十有二次試於提學輒居上等試於御史則不第  
也成化二年貢入太學太學生接其言貌咸驚嘆先  
生由是名動京師矣自太學歸二親相繼以沒先生  
跣足奔葬時大雪盈尺燕窩淺泥濘亦不知避迺後  
遂病脚氣值冬月輒發母嗜韭母歿不忍食韭者終  
身也二十二年太宰尹公拔先生知山西之應州

國朝多進士舉人為知州而先生以歲貢為知州太宰亦為知先生已先生之治應也首勤民耕稼紡績時當東作循察田野民艱於耕種者必資之種子與牛民貧負租及不能婚葬者皆與之處買牝畜數十給之糶民令其孳息為養又務積蔬粟不三四歲粟至四萬餘石乾蔬萬餘斤尋當饑饉應民免於死亡其既竄而復歸者劉僧兒下三百餘家皆與衣食補葺其屋廬與處由是屬邑聞風復者沛然矣又立義塚以瘞流民之死於道道不拾遺尤雅重學政數至

學舍切切為言孔孟之旨故應人談至今不置也先是州南山虎累為民患先生祭之曰吾無虐政及民爾虎何居食吾赤子旬日而虎殞於壑蕭家塞北暴水湧出於中田勢洶洶若將溺人先生祭之曰是將歿吾民乎吾惡在其為民父母也痛自刻責忽暴水如鳴雷下洩人得不溺城狐為妖民驚怖不能帖然先生祝神明狐死不為妖州有井水黃且鹹不可人食一日變為白水味甘其民以為善政之應云故應人戴先生如父母立生祠以報之時巡撫左公鉉葉

細玩此  
墓誌辭  
其三代  
以上人

物執而  
淫野以  
雄辭廢  
之則備  
良之長  
理學之  
宗薛亦  
有今矣  
人固在  
甲科批

一軍人  
而執師

公祺侯公怕皆深異先生疊薦於朝謂先生學行才  
術非止治區區郡邑已也乃弘治九年陞先生金華  
府同知東南學者如陳聰輩數十人皆樞衣趨門墻  
矣居金華二年致仕撰金華鄉賢祠志若干卷正德  
改元

聖上推恩天下得進階為朝列大夫至是卒矣年七  
十四歲宣德十年三月二十八日乃其始生也初先  
生致仕家居以事入長安柙獲遇於長安之開元寺  
因叩先生先生言蘭州軍周蕙者字廷芳躬行孝弟

事之古  
矣

涇野先生文集

卷五

三

其學近於伊洛。吾執弟子禮事之。吾入太學時。道經  
陝州。陳雲遠忠信狷介。凡事皆持敬遇之。吾以為友。  
凡吾所以有今日者。多此二人力也。周年四十。出求  
父四方。死矣。因泣下沾裳。枻為之感懷。乃信先生之  
學異乎人也。先生頗不理於鄉人口。先生遇人無問  
人省解。不即為說道。及至泣下。人或不樂聽。說亦不  
置。又不善接引後學。後學謁見。忽忽爾待之。見子等  
人。由是或疵先生之不情也。枻謁先生者再四。見先  
生年已七十。日夜讀書。一經卷聽其論議。皆可警策。

古矣

情志則亦今日之博學好古死而後已者也豈可盡  
為之疵哉先生常病禮記破碎雜亂非聖人所定經  
欲辯註成書沉潛者十餘年僅三易藁死矣又好靜  
坐思索凡有所得如橫渠法即以劄記所著有思菴  
野錄道學基統洙泗言學錄爾雅便音田疇百咏集  
歸來藁及演作定心性說諸書其言多有補於名教  
云父鑾以先生官贈應州知州母王氏贈太宜人贈  
君生三子先生為長次悅之次先之先生諱敬之字  
顯思別號思菴娶王氏沒繼室李氏李已聘於人其



夫四十年亡在外不歸矣亦不再字人至是繼室先生也王出四子復心恒德謙光乾操操縣學廩膳生女四人孫男天錫天祐天昌秀明天麟天賜賜亦為縣學廩膳生年少而聰慧又善為舉子業繼先生之志而大其門者或此子也擇正德四年某月日葬於韓馬里胡村先塋合王宜人之兆銘曰渭河之南華獄之北思菴先生有黯其宅

明奉政大夫雲南武定府同知龍澗先生高公墓誌銘

呂先生  
仰慕公  
深重而  
其盡心  
為銘也  
如萬斛  
虛舟盡  
載天球  
異品夜  
來精光  
水色把  
玩不可  
遇抑精  
神尤見  
文未

曰嗚呼吾師龍濟先生乃止此耶昔者柟欲先生小  
則督學作一方士大則司成均教育海內英材今乃  
於武定止邪昔者柟秀才時與先生約一日仕必謁  
先生於瀘豈期雖仕而在官未久病卧南山前後十  
二年夙志未償而先生乃有此耶嗚呼痛哉柟十二  
而入縣庠十三而先生來署高陵教諭當是時柟蒙  
未有知也逐諸童生習白談或蕩或孩孺子戲狀先  
生曰柟也亦若此乎乃策使與優等生群優等生業  
熟而行習乃俾柟努力日夜追勿敢後也先生教人

作三冊六德六行為上冊。冠婚喪祭鄉飲鄉射鄉相見禮為中冊。不能為下冊。生有一從焉籍上冊中冊曰慎母以此自止。生有一不從焉籍下冊曰均人也。若何不能上冊。籍既久而諸學生數多免其下冊籍。先生夜五鼓興燈燭下課所限業。有一生竊斷椅絲。先生坐幾跌仆。乃強起懸涕曰。吾蚤作豈禍爾諸生者哉。諸學生皆泣下。求究頑生而黜之。先生曰。姑勿問。將某教猶未入此人乎。于是懦者振其志。暴者消其悍。愚者發其業。敏者考其才。朴實者遂其德。高陵

之士郁郁乎有可觀者矣。當是時相繼督學者迹處楊先生虎谷王先生皆曰高先生雖以教全陝士有餘也。厥後先生秩滿而去。諸學生猶多守其規志。士又滋奮思而高明詣其以科名顯者進士二人焉。舉於鄉者五人焉。皆先生所作士。乃去而遺績于他人者而先生止以自考。于部得第一。同知武定府云。是在弘治十三年。後二十年為鄉人王顯之雲南按察副使。能詳武定事。武定夷方土人為知府難與僚也。先生孚以結其心信。以革其面禮讓廉潔以化其暴。

既久怡怡如兄弟處遺其諸子從先生學故武定雖  
焚獮阿厯難治之地而先生處之如樹柳也于是上  
官賢先生委署楚雄府事楚雄即以治如武定矣是  
時武定之南甸石舊元謀三縣民尚有逃食楚雄不  
返者先生乃招來于庭曰爾輩非吾武定赤子乎爾  
父祖墳墓安在然武定今且豐上官亦不汝棘秋獲  
後可便歸及期而三縣吏果報復業民者種種也孟  
蜜酋長思祿侵虐地方屢撫屢叛朝廷且有南顧憂  
鎮巡諸公遴官往治得先生焉先生鄉屬采入其阻

思祿陳兵出迓先生曰爾輩鴛鴦若此不思有

大皇帝邪汝若退歸地庶幾長有守土不然大兵至  
悔何及我此來真爾改禍時也思祿指天感恩乃渡  
江而返侵地貢象馬方物朝廷差人賜先生紵絲  
衣一襲寶鈔五百撫按宴先生于會省大侯州土官  
兄弟相戕毒地方上官復委先生往先生與陳倫理  
之故禍福之實大侯兄弟悅如初然孟密大侯地方  
瘴癘從常百餘人病其不起者五六人矣而先生獨  
無恙常指心自言曰得非此中不欺乎又嘗勘尋甸

十年之獄，賑順寧一郡之饑，清家化楚，椎金齒洱海之兵，靡不殫心致材而獲夷人心。古之忠信可行於蠻貊，則先生其人也。而柵言教人事，世可勿疑矣。先生生而秀竦，端重立，稠人中不言而人自異之。五歲時，與群兒夏戲江邊，先生吸水而歸，以濯母背，熟人訝之，即稱為扇枕兒行也。及長，事父母疾晝夜不懈，北卒哀毀，幾不能全其養，大事一遵先王禮所配。劉宜人者，郡耆朝縉公女也，實能順先生而克助于內。宜人既歿，先生乃號半竹山人，以自固，遂獨居以終。

身則夫高陵之教雲南之政豈偶然哉先生諱儔字  
宗伊龍灣其別號也又號鑑菴中弘治己酉鄉舉其  
先江西清江縣人高祖諱均祥元末避兵于瀘遂占  
籍焉曾祖允文不仕祖諱亦不仕娶楊氏生先生及  
伯子僅云先生生某年月日距卒正德辛巳年五月  
日壽七十有三歲劉宜人卒正德壬申月日壽若干  
歲蓋先先生卒十年也子男二長鵬雲娶某氏次鵬  
先娶某氏皆嘗事舉子業而恭雅慈良猶有先生之  
餘風焉孫男子六人曰雙郡庠生幼名陝鵬雲生之



文之豪  
宕而都  
雅者

高陵者也。此其人或能發先生之志乎？曰：龍曰：契曰：與曰：垂孫女二。茲嘉靖年月日，鵬雲將合葬先生劉宜人于會龍山祖塋之次。鵬雲又以顯之狀來，柁舉筆輒淚三日，而後能叙之。嗚呼！先生躬備衆行而不自有身，通五經六藝，厚史以及天文地理，醫卜筮書，而嘗若無當其志。豈柁之所能述哉！今其家所藏楚游藁、鈍庵集，或可畧見其槩云。銘曰：峨峨秦嶺，江漢斯發。山有奇精，水有神明。聚為英靈，夫子攸振。聰而能富，哲其揭。胡瑗在蘇，劉恕在越。經學攸明。

夷俗歡浹歸釣瀘江春風秋月百千萬世年厥歆不竭

兩淮鹽運司同知渭坡高公配安人邱氏墓

誌銘

渭坡先生高公卒於兩淮鹽運司同知其子阿階等  
昇柩抵家卜葬有日奉狀謁銘予有先公之喪未祥  
也弗能乘筆惜哭曰知吾父者莫如吾師師如弗銘  
吾父奚葬余泣下曰柩深受知於公善必余獎過必  
余正先生寢疾公手書跼余誠孝必瘳乃余罪重卒

向公得  
行孝  
行故其  
父族者  
節在  
有令  
云乃  
不兆清  
曰不為  
元女計  
巨約則  
共誼義  
道處

禍先公生弗能踐其言死弗能銘其墓吾罪滋大矧  
余初侍先公疾夢公歸家來謁先公先公開宴酌酢  
皆衣綿紵冠紳委蛇旣覺自謂先公疾瘳公或取道  
高陵一會晤也詎意數月先公不起閱月公訃亦至  
哉茲也公與先公長遊地下則銘公也亦可因告不  
孝於先公矣嗚呼痛哉公諱選字朝用別號渭坡高  
陵郭下里人也曾祖志才配劉氏祖榮配計氏皆躬  
稼不仕父恕贈戶部主事承德郎配商氏贈安人生  
三男子孟遠季遂公仲也公起家儒業登弘治癸丑

毛澄榜進士授戶部主事癸亥陞本司員外郎奉勅  
冊封韓府遭疾得告後忤宦官劉瑾致仕復加以勘  
田事罰米伍百身輸宣府會宣府缺督理糧儲官戶  
部薦公正德戊辰陞戶部郎中督理糧儲庚午吏部  
尚書張采敗言者以公同年左遷河南鈞州同知七  
月陞吉州知州期年改山東臨清知州用南京大理  
寺暨巡撫都御史薦陞兩淮鹽運司同知期年卒於  
官初商安人夢日殞於懷生公在床幼輒警敏抱志  
崇遠常役火夫被叱自奮曰彼役吾者匪人耶乃從

師貸書誦讀弗輟提學伍公簡升邑庠有先達者指  
公父贈君曰此子能成耶公颺言曰遲三年當踰汝  
矣他日贈君出賈囑公曰待我歸汝必廩贈君歸果  
廩年十八也旣舉陝西同舉有誚其榜末者公曰有  
進士科在明年公舉進士同舉竟不第公於書一覽  
輒識弗忘予嘗侍坐談及往事不遺隻字故濟南邊  
貢曰高朝用有過目不忘之資智不以聞知非務名  
矣善事父母不違意命贈君卒哀毀踰禮商安人卒  
亦若是焉成化末大饑公以精粢供商安人身同家

低係批  
此公紆  
都批此  
文無妨  
雙美

衆慕藎克腸曰免死而已兄弟索居久矣公既舉進士省商安人於家兄死已不嗣乃召寡嫂及遂來毀券合居戚黨有沮公者公曰兄官弟貧心實弗忍後居室且殷與遂中分不私也友人楊鳳死不克葬公歸之棺槨金布乃舉焉公之初任

欽差給散甘肅軍賞四十萬金餘金千有伍百他悉為私公悉封還戶部司徒侶公曰屢奏委官未有若人后收通州軍儲武斷權豪充支月糧未浹兩月積糧四十餘萬續復收放天津倉入靡羨斗出靡虧

解雖箝筆諸物鬻金五百通之戶部。比起天津軍校哭送塞道前旣陟員外監督馬草場宦官饋謁杜絕靡門雖一茶之來輒斥弗受且告曰各供乃職無壞國法以速戮身收鈔於崇文門在公三月積弊革比歸私第搜篋而發監收太倉同事宦官蔡邕頗肆權勢公研問坐糧潛改邕奸邕使人語公曰凡事相忤不虞後患乎公應之曰若依汝過百箇砍頭罪矣邕錯愕失色不復敢訾厥後督理宣府糧儲益殫厥志納戶百金止耗一兩立獲通關諸省之民謳歌載

路北蒞兩淮持躬滋厲邑人劉氏趙氏公婚姻也時  
賈楊州一見不再後蒞徒盜賣官益覺收劉為之請  
約賂千金怒裂其札曰是道我為寇耶明日輒寘益  
徒於理故一時國課頻增商賈畏懷都憲重公公  
雖病漸卧綰印綬唐稱劉宴總財足國不是過矣同  
知鈞州令行闔郡鋤強撫弱軍民安堵鈞人馬公劉  
公皆故大宰也其子弟族姓亦執禮孫公不驕蔑于  
鄉黨吉地險僻民貧多逋公首先寬恤斷禁雜征諸  
所供億取貸小罪政行數月流離歸版違吉之日男



女焚香哭送爭奉肩輿酒克白愷劉寧數人曾被重  
刑跣送百里公詰其故對曰昔者酣酒幾喪厥家自  
蒙痛懲過惡少悛乃知良善之樂思無報謝耳臨清  
雖州繁劇踰府又南北衝衢需索靡紀公解舒里甲  
費出規措驛遞應役戶頭久罷馬頭孳牧亦弗克償  
斟酌損益勞瘁用興收恤鰥嫠俱使受食招逐流離  
三百惟衆其興學起廢獎賢表孝尤如飲食故棄郡  
弗久碑如峴山嘗讀循吏代不數人公歷三郡不讓  
前哲矣其在臨清冠縣伶人王會為盜既獲誣入比

鄰周宣父子宣屢奏未辦巡按下公公訊捕吏獲宣  
何所對曰其家獲會幾日矣對曰閱月公曰同盜既  
發閱月宣如朋盜逋逝久矣乃獲於家必會離耳拷  
會會曰公神明也居常訓告諸子必述貧賤時所御  
服食令諸子無事侈汰病且革任安人泣曰嗟此子  
女諸事未畢清貧無賴公乃若此柰何公曰今日過  
昔遠甚田疇足供衣食子孫可事耕讀吾願足矣公  
既歿都憲藍公檄運司贖金六百為棺槨道里費而  
鹽費及臨清人得訃設奠哭臨所贖不又多耶公生

天順元年三月二十五日卒。正德十一年四月二十七日壽六十歲。初配鄒氏。年三十一歲卒。贈安人。今合葬焉。繼配任氏。封安人。存子男五。阿娶劉氏。卹所出階娶文氏。陟聘紀氏。阡聘張氏。陌幼任所出女三。長適趙廷美。次適國子生劉環。任出孫男三。承福承祚。阿子承祖。階子孫女三。喜春。小蠻。永春。正德十二年正月二十一日葬於邑東祖塋之次。銘曰：於渭坡公有烈其風。窮弗失志。仕弗苟同。使當要路。罷終可掾。卒於散僚。鴻材不究。公余先覺。厚獎末學。雅

先公我心如斲出邑東門曰小紀村世第孔茂其震  
祖塋公是幽寧而渭與涇子孫蟄蟄應大爾殷

行人澤州孟子乾墓誌銘

竊惟祖宗以經術道義培養人材故國家百五十  
年來所積滋厚所發滋茂而士之直言極諫以開國  
家之急者雖謫官於前編戍於後猶以死繼之而不  
悔斯皆天祐聖主拳拳之意社稷靈長之兆也  
正德己卯春三月聖駕自榆林迴且復南巡科道  
張雲李素等伏聞有言未用行人孟陽率其僚士

校言官  
至死此  
聖怒不

易觀者乃死諫  
乃是言  
官職分  
子乾尚  
慶非其  
據也當  
時敢言  
便能取  
死與効  
嘖塞責  
若不同  
科即繫  
頸剖胃  
何加焉

九人上疏諫 聖主震怒繫之錦衣獄杖之四月十  
六日復杖之 午門前十八日陽卒世之諂夫佞士  
且議陽非言官枉死嗚呼子無嫡庶視父母皆當孝  
臣無大小視 君王皆當忠孟子乾蓋有所慨於中  
不能自已乃至以身殉國遂志而逝者也可以厲逆  
臣背子於天下後世而猶不免於議何哉凡人之行  
不由中出者至小利害且避之况死生之際乎聞子  
乾讀書究義理從事慎獨以誠敬為主家居惟務孝  
友雖於其父前論事有不合義輒力諍之不已忤其

鄙見以  
為若此  
烈丈夫  
當為大  
明忠義  
一編貯  
之內府  
布之房  
間亦恐  
史遺編  
淚寫新  
詩意也

意亦不顧也。既悟則跪膝前以謝罪。尤嚴於好惡。遇  
善人親如膠漆。遇奸人遠如虺蜴。若有權豪勢利在  
前視之蔑如也。常奉

命勞軍宣府。即與監督軍務中官抗禮。反得其敬重。  
比行總鎮之餽。一無所取。他日又差祭葬。

韓王府亦却其餽。惟取送行詩卷而已。故事行人三  
載。即陞科道。子乾為行人五載而不調。人或戲之曰。  
當道一見好官。即得。子乾曰。行人清雅。豈不美哉。士  
君子一失節於權門。終身之玷。幼為祖母鍾愛。登科

後即迎養於京邸。比祖母卒，哀毀骨立。然則子乾今日之事，豈有所矯拂者哉？初，子乾構小廳於家，友人龐大卿書「忠孝節義」四字於上，則龐氏子者固已能預瞰子乾之微矣。子乾之歿也，僅三十四歲，惜哉！先世故為澤州大陽南里人。曾王父諱鑑，不仕。王父諱彪，贈中憲大夫太僕寺少卿。吾友何修撰粹夫嘗志其有刲股感虎救喪還金之事。其曾祖妣以上三世守節鄉人，稱孟氏三節婦焉。事在西涯李文正公所傳。祖妣王氏加封太恭人。父諱春，舉進士，由刑曹郎

擢守嚴州府正德庚午治課天下第一擢太僕寺少卿陞都察院右僉都御史巡撫宣鎮乙亥因邊事註誤謫陝西叅議尋陞叅政丁王太恭人憂而勲望為時所重然則子乾今日之事其所由來遠矣子乾號素谿登正德甲戌唐臯榜進士封修職郎配顏氏同郡生員溫之女于一曰金菊擇今年月日附葬先塋之次銘曰

大坡之原乃孟子乾之墓人誰不死死而不朽者孟子乾也愛身何薄愛國何厚於生無羞於死無負昔



抗志不  
屈  
四  
節  
屈  
億  
億  
庶  
幾  
終  
始  
一  
道  
者

子乾嘗過予話談未久予固以為非常人伍也。曾未  
幾年乃果能光大明之宇宙。天地必爾。知日月必爾  
祐。有不信者其考爾後。

明故海州知州龍坡李君墓誌銘

君諱錦字仲白號龍坡世為渭南豐原里人也弘治  
初瀘州高龍灣先生署高陵教事是時君方弱冠聞  
龍灣先生之有道也跨驢來高陵與予同受業於其  
門君長予數歲又說經構文予數不逮故每以兄事  
君而君友予亦若親弟至今四十年無改也君在渭

此殆正  
論也惟  
高人見  
及

南庠中言論行事出人意表後領庚午鄉薦累試禮  
闈不第於是幡然改曰舉陶益稷是何科目也不過  
推已治人而已何必進士然後謂為政乎遂受選宿  
遷當江淮之衝南方之罷邑也君至鋤強扶弱百廢  
俱興有部民止生一子不孝其父告於君君曰子罪  
固當死但死者不可復生是我絕汝嗣也後悔何及  
乃身詣其家垂涕泣而道之且曰子之不孝令之過  
也其人卒化為孝子君遂為立門以表之厥後漸化  
之久得生員高步等五孝子焉縣有疑獄數十誣成

碩有古  
循良之  
風此誌  
不可缺

死罪者七人、其當死者十五人、咸服罪自縊、不敢以  
煩君訊也、縣俗輕本逐末、前令每歲稅逋不下千石、  
報稅不過百金、君每歲報稅三千餘金、遂著勸農文、  
并勸孝文、刊行封內、以稅餘之金買牛六百、募民耕  
墾荒地計畝二萬、又糴雜糧儲倉殆數萬石、及陞海  
州縣中士女遮路哀慟、聲聞徹天、甚至牽衣脫履、留  
數月未得行、有當供役者、乃恨君早去、至叩頭出血  
言曰、前人何幸受恩、我何不幸離父母耶、予嘗兩過  
宿遷、與夫馬卒皆云宿遷追思李公不可復得、以為

百年来一人耳。君平日疾惡壯頰，義形於色。今其惠  
民之政，乃又如此。豈非先仁而後有義者哉？守海州  
未數月，而海民亦治如宿遷。然不能善事上官，得罪  
於王知府，何副使注以不謹冠帶而歸。君曰：渠能去  
我之官，豈能去我之心耶？夫君在宿遷時，所遇撫按  
盛唐郭王、毛朱、董七公，莫不獎薦。或曰：愛民疾惡，實  
心幹事。或曰：操持端謹，幹理勤能。或曰：剛勁不怵於  
勢，才能足剗乎繁。或曰：通達之才，端方之質。或曰：留  
心國計，經理有方。或曰：嚴以懲奸，剛以抗勢。當其推

許。比漢循良。乃君遇於宿遷之七公。不能遇於海州。王何之二人乎。乃君行於宿遷之五年。不能行於海州之數月乎。當君之去海州也。買一推車。載琴書而行。宿遷之民。數千馳至海州。請留於縣。贈之文帳。贖以路金。初陞之時。不能具一花帶。予寄之一園。後去州抵家。猶是帶也。則君所不得於王何二人者可知矣。初唐宋時李姓最煩。世多忠義之士。晚宋猶稱南朝。惟李侍郎一人。其後有避居渭之豐原者。更元亂失譜。然侍郎節義之名不亡。故猶以侍郎水名戶。至

令四百載尚未有改遡而求之十四世矣國初拔巨  
族財富者充里長馬頭得若水八世孫拾賜假帖官  
地遷縣居焉拾配趙氏生子五人長曰貴配梁氏生  
子一曰祥配閔氏繼張氏閔生子二長即君次曰鉞  
君生有嘉兆氣象異常長即好詩書尚慈孝又多剛  
果丁繼母及父憂哀慟成疾則君之所源流根本者  
自出尋常宿遷海州之政不偶然也君生成化九年  
三月七日卒嘉靖十五年閏十二月十四日壽六十  
有四歲疾革時正巾危坐命長子僖請醫命姪僎選

藥命次子儒鼓琴操顏回曲。嘆曰。席中未有不散者也。遂不語。明日終於正寢。配陳氏。繼配鄭氏。再繼薛氏。陳生二子。僖儒女一。適韓氏。僖等將卜於嘉靖十六年十月日。葬于龍坡之麓。是宜有銘。銘曰。於惟龍坡。稟受懿嘉。學求本根。孝友成家。既臨乎政。循良孔和。載其寧一。民罔不歌。雖屈海郡。休問益遐。邇厥初心。初心匪他。我銘真石。千載不磨。

明奉訓大夫霸州知州北橋劉君墓誌銘

君姓劉氏。諱璋。字尚德。別號北橋。延安中部縣原村。

稅額并  
夏之華  
政感卑  
魯之風  
與此銘  
共不朽  
矣彼不  
汪不張  
青睞此  
選庭我

人誥封中憲大夫彰德知府前義門巡檢諱景  
之子都察院左僉都御史諱聰之弟前刑部郎中仕  
之父也仕主事刑部時予任翰林修撰君知南和縣  
未幾自南和入京來得數會晤於宣武門東義氣輒  
相許可予子今舉人田適無室問君第五女君即與  
妻之越數年今南京右通政綏州馬子汝驥方以翰  
林編修出為國子監司業亡其室問君第六女君亦  
與妻之今先九月仕先以大獄事謫戍柳州  
恩詔宥還聞君之訃道過金陵托通政撰狀請予銘



嗟乎道義之交婚姻之締予安能忍銘又安能忍辭  
哉君之為南和也邑當直隸之衝諸務旁午戴星蒞  
政至忘寢食一事未竟亦不公退澧河自邢臺來縣  
分為六渠閘廢久湮乃選人掌籍度田程時引灌郊  
垌民沾其利比小江南語在學士棠邑穆公記中縣  
十七社十社土著舊民餘則

國初山西徙來者舊民故有田又先奉例墾荒不稅  
於是民有新舊田有多寡稅有盈朒兼以富者市田  
遺稅貧者田去稅存邑民阜甯當相懸也君諭父老

南和經  
疲綴劉  
公則此  
邑亦未  
有今日  
也詢我  
循良我  
是可誌  
而銘矣

躬丈丘畝田稅相證貧富咸獲民卒歸業陳狀撫按  
於是真保廣大四府之田亦因以均焉又嘗括闔邑  
糧數計八千之價而一之部者分歛其倉之數而輸  
民不知倉稅無二價昔時異價兼派之弊頓革而完  
恒先諸邑矣士習媿窳賢科久乏君首建廟學延師  
立會分經考業增置名宦鄉賢二祠又計百家建一  
社學凡七十有八月朔縣試歲考其成弦誦之聲洋  
溢四封後遂有登第者焉邑廳事久敝陋君曰我若  
辭勞後為斯役者寧不厲民乎乃鳩材憲功偉壯倍

海豐先生文集 卷三  
昔廨舍移庫煥然新美冢宰增城湛公亦嘗記之尤  
加意種馬覈其私乘勤自點牧以較肥瘠三年孳乳  
蕃庶御史巡視深羨亟馳薦剡初

先帝南巡道踣迎送諸繁劇侈迎

今上駕過沙河凋弊令不任事上官委君署篆旬日  
而辦先則取諸妖僧之募材以備

行殿之用後則南和民以樂于協恭也凡君諸所營  
建費省而不擾功立而日不愒者皆若此故君至南  
和倉廩不繼比任五年積粟二萬緣墻萬樹絡繹予

異哉此  
事可撰  
述異記

謫判解州時踰過南和行數十里皆在蔚蔭中而道  
外田疇暢茂真為樂土當有蝗蝻不生鷄犬之誅故  
王巡按鈞謂諸州縣曰作官當效劉南和也乙酉陞  
霸州知州州通京邑人多豪俠民亦慄悍君懲其一  
二黜黠閭閻肅然城即九河故道歲十九潦田多淹  
沒劫盜頻興異時大夥流賊皆出於此君乃禁奢抑  
競平役薄征而又演武練兵嚴拾遺法居且四年水  
不為灾城北牛沱河遠徙一舍民饒衣食盜亦衰寢  
君子謂君于天有感云馬副使嘗失兵備印百方未

獲君為禱諸城隍之祠得屋後深入地中尺已而又失又禱乃又得之甓坑中其地與甓皆若未動若遇旱禱雨輒應南和及霸皆然人以為君之純誠云乃已丑得致仕還鄉修建祠屋敦崇時祭治圃橋山之麓游息其中嘗遭歲歉出陳貸濟而又倡引沮水灌邑東田鄉閭窮餓咸依賴焉若乃撫強知縣之孤館閭行人之家完男女之怨曠篤故舊之友愛內無私嬖外無私行禮賢好義節用敬賓蓋有古人之風學者皆稱北橋先生云初君之生神采冲異髫童端重

受學仲兄中丞奮厲刻苦析理必精或徹夜不眠及  
中丞舉進士復受學于前邑尹任御史儀益造博雅  
他日中憲公還自義門伯兄玫明農中丞宦遊君獨  
二親承順顏色侍疾恒不就枕身任家政業日充裕  
改建宅第高朗令終伯兄剛急或加呵責絕不為忤  
師事仲丞終身不改其訓諸子姪必稱古道姪舉進  
士職部署矣猶臨之益莊若誨門下諸生勤儉不倦  
尤敦實行門人馬隆登鄉舉仕為推府執弟子禮事  
君如父可知他矣正德己巳君當歲貢以親老默讓

次年又以母高恭人之命始與計偕明年庚午舉順  
天高等他日中憲公命析居輒辭美利不取別構宅  
南城僻地顧諸子曰惟願諸汝輩成立耳後高恭人  
及中憲公相繼捐養君號擗哀毀幾不能生然則南  
和霸州之政豈其無本者哉始祖在元為萬戶萬戶  
生澤澤生簡簡三子君傑國傑邦傑諱國傑者君之  
高祖也曾祖諱處榮俱隱不仕祖諱準縣學生高元  
執禮嘗署學印邑人士翕然宗之配神木折氏河南  
僉事昂之女是生中憲公者也則君固源流邈遠二

有祖之風格者乎。君先配張壽官俊之女。以刑部貴  
贈安人繼李氏。吏目旺之女。封安人。男子四人。長即  
刑部卒。已進士。政事氣節士林稱重。娶宋氏。封安人。  
次价。次倬。俱秦府典膳。价先四年卒。娶高氏。倬娶  
宜君常氏。次儒。舉人。蓋嘗倉卒被盜。獲乃以身蔽君。  
而獲免者也。娶高陵李。即予室之姪女。云女子子七。  
人一適邯鄲訓導張元傑。二適典膳馬鏞。三適宋澤  
四適洛川歲貢生王經。五六見前。七在室。張出者子  
女各四。最後三女李出也。孫男子五人。光裕。光大。光



亨光升光謙孫女子六人曾孫男子三人訖諡韶君  
卒于今年丁酉四月八日詎生成化六年某月日享  
年六十有九歲仕歸將卜某月日合張安人葬于黎  
原鐵子坪是宜有銘銘曰 於維北橋抗志伊高發  
言有則威儀不佻鄉已中式卷額被剽奮厥材藝猶  
舉京兆莅南和民如赤子保旣砥田稅亦衡諸徭百  
尔廢墜罔不咸橋陟守霸郡民用思競誰比誠悃田  
弗水漂行且三載盜是用消豈其獲印崇不能妖通  
判為戾罪非已招高卧橋頭一義嚙嚙宜尔孫子修

行不修  
名貞不  
辟難義  
不從俗  
胡君有  
君子道  
哉而其  
位不滿  
才言不  
行世子  
美云文  
章惜命  
運也有  
然乎

輿邁超載厥休問百代如瑤銘茲真石以戒後驕

襄陵尹胡君墓誌銘

蓮塘先生胡君歿其子學生佑持進士王謳狀索銘  
予以憂病辭不獲謹再錄其狀而銘之狀曰君諱汝  
楫字良濟先世應天漂陽人洪武初曾祖士真以醫  
謫戍寧夏遂為寧夏人正德庚午安化之變君奉其  
母太淑人入西安編咸寧韋曲里籍士真生雄號唐  
渠配酒氏雄生蓮號槐堂配陳氏槐堂生五子長汝  
礪號竹溪官至大司馬次郎君次汝霖號桐岡衛學

生汝明義官、汝翼大學生、竹溪公為兵部侍郎時、贈唐渠公為通議大夫、兵部左侍郎、酒淑人、槐堂公初封戶部主事、累贈通議大夫、兵部左侍郎、陳封太淑人、初槐堂公教竹溪公及生徒學、獨委君以家務、君乃隱屏誦書、雖耕牧不輟、後選為衛學生、槐堂公來試關中、唐渠公病、君與竹溪公晝夜身事、不避穢汚、仲父昶病于賀蘭山、後違城二百里、君徒行往訊之、至且危矣、受命書遺言、悉中仲父意、及卒、扶棺而歸、烈風暴雨、乃號天痛哭、須臾霽、喪得抵舍、嘗應試

關中道出三原、渡渭、半濟、風浪洶湧、舟下三十里、舟人俱懼、君籲天曰、吾輩有惡、固當溺死、或有一二顯者、停舟可也、湏臾、水渌得濟、同試友人劉慶病發狂、同族避去、君為延醫問藥、病尋愈、乃與同歸、後劉舉進士為御史、每以語諸人、辛壬間、竹溪公在戶部有濕疾、適君學于京師、扶之不離側、竹溪公灸數十處、即與同灸、以分痛、乃又飲酒奕棋以安、竹溪公乙卯歸、領鄉薦、會試禮部不第、父執趙儒適卒于太學、竹溪公為治後事、君護其喪至寧夏、其家弗信也、開棺

示之其子始號泣而謝焉。是時槐堂公已卒。君遂不  
解衣。不入室。與桐岡君日夜侍左右。不知倦。比歿。哀  
毀逾常。遵用朱子家禮。夏之人多化之。槐堂公受封  
家居。為鄉約。君盡體行之。故槐堂禮俗三卷。皆君手  
著云。既登乙丑進士。上命為侍郎。慶陽韓公母治  
葬。留慶陽一年。公餘惟治詩書。士多從學。今編修劉  
泉。御史楊朝鳳。知縣張鵬舉。舉人管律。皆其徒也。丁  
卯。出知任丘。抑權要。杜請託。舊尹凡遇生辰。開宴受  
禮。曰。此貪污者媒利耳。且劬勞之日。可稱賀耶。獄有

江西人犯死罪、審獲生理輒出之、戊辰春、新城有訴人命于朝者、連數百人、累考無驗、

天子命御史羅君往按、羅委君、君拘衆訊、因曰、此自縊死、汝何誣衆、衆伏不應、君曰、先毆後縊、地必有灰、命工掘之、果然、衆叩頭稱神明、夏五月、不雨、齋沐行三十里、取水扁鵲廟井、移時大雨、有近侍南下、所過索取以百數、任丘一無所予、渠大怒、令人來辱君、即下之于獄、懲旣而後釋之、其類曰、任丘不可遇矣、已春大饑、

朝廷命御史分查天下錢穀御史房君按部直隸委君以真定諸邑君因行賑濟真定民甚賴之嘗獲盜數人錦衣校尉某欲為已績君弗與也後有校尉某從縣甬道入君又叱之遂伺以錢穀數事君以要賂而君方病足又聞桐岡訃乃峻絕校尉不數日校尉勅收君下錦衣獄歷按無狀

天子赦出之是為庚午春君方改選吏部一日大司馬王公召君至則執其手問曰何錦何如君曰錦恃材而輕人問周昂曰膽大而不學問下廣曰年少後

進勇力之士、不足道也。問安化王、君誕之曰老矣。王公曰三子者、挾王反矣。君曰無能爲也。仇越若在、可保無事。又悉以河南諸將言之。遂作平西議以獻。歸而焚其稿。王公遂言之。太監劉瑾欲擢君都御史、以平賊。君固辭。後皆如君言。遂改知襄陵。雖蔬薪之餽、不受。襄陵素苦酒害。君悉罷諸酒戶。惟後廳造酒數甕。以應求者。有誤入殺人者、稱屈。君搜得故刀。訪諸市得屠人。而以刀訊之。遂服。誤入者免。君之威惠、方行。辛未大朝。乃著冠帶閑住。君遂奉太淑人歸西安。



杜門謝客、究方脉、考藥性、人家有疾、皆親治之、亦罔弗效、又為家政、以誨子弟、督億書、忍字于四室、時家口已八十餘、皆待哺于君、客有勸之別處者、君固謝之、太淑人卒、君哭泣無時、水漿數日不御、遂以成病、三月始愈、丁丑、遣弟汝翼至、宣夏昇槐堂公柩來合葬于鴈塔左方、君攀泣流血、既葬、益鬱鬱不解、晝或廬于墓側、夜則宿于中庭、每自誦曰、荒隴幾迴、增悵快、倚門誰復望兒還、蓋詩成而君病矣、君殊未之覺也、乃戊寅正月四日卒、秦中士大夫皆悼惜焉、嗚呼、

君豁達環瑋少讀書有大志嘗受易于給事中胡公  
易每欲爲古人之事旣弗得一償其志退居數年閉  
門修業不干榮利則豈不難哉君文章行績遭火無  
存獨槐堂禮俗三卷竹溪年譜一卷蓮塘雜集二卷  
今可考云娶茅氏寧夏義民仲英女子男二長卽佑  
咸寧縣廩膳生娶寧夏慶府引禮喻公賢女次儋娶  
咸寧戶部尚書雍公泰女女一許嫁慶陽韓埜主事  
守愚之子侍郎鼎之孫也孫男二克元克封佑所出  
孫女一儋所出君生成化戊子正月二十二日距卒

五十一歲四月二日葬從鴈塔新兆在槐堂公右銘  
曰嗟哉蓮塘乃止于此學博而才高行成而敦禮  
固一代之豪士也當其不死常欲自志出處之外不  
加一字豈不以中之所蘊者未申而人之所稱者非  
其意耶好爾無名憐爾子弟據狀勒銘君心然未寧  
夏舍危三迂關中就安百二新兆覃覃皆君手置父  
兄咸遷君心斯憇諸姪彬彬與子與義所未發者行  
當耀世君哉康正

裕州同知贈光祿寺少卿郁君墓誌銘

性辭烈  
調善寫  
忠肝義  
膽足以  
風矣  
嘗讀沁  
園春調

正德辛未冬十有二月二十有六日裕州同知山陰  
郁君采卒初黠寇趙鏐劉惠糾諸饑民僭號橫行所  
過郡邑十七屠破守令率賂金繒免死或開門以迎  
之裕守恃此不備君身作裕人繕城以待是月朔寇  
至守欲去君曰母為民望乃率士登陴矢石四下寇  
避城而營君遣人潛俘其醜手劒之且泣謂裕人曰  
采已分與城存亡若等至母負國耳裕人感泣奮禦  
寇吞敵去君料寇當再至滋練兵厚備令人載妻孥  
往依唐府儀賓莊士俊曰脫賊再至采必死所可托

慨后無  
作者却  
居其千  
古希音  
平即張  
計剛腸  
應為君  
把臂可  
魏死郵  
庭奸雄  
輩也

妻子以無重傷吾母心者賓相君耳莊館其妻女於  
母所二十有四日寇三萬譟呼至守又欲去君曰無  
恐西南城塹河也寇難適屬公東北城塹平淺易破  
有采在時有知君必死者曰母在柰何死君曰止曾  
是偷生以為孝乎及被圍知君必死者又曰母在柰  
何死君曰止汝馬知吾友蕭鳴鳳知之蕭直此肯走  
如蕭走采必笑之矣寇攻東郭不克攻西郭守開西  
門去賊乘之君釋東救西至城隍祠賊獲君刃君君  
罵賊賊裂君口君罵至死已事聞詔贈君光祿寺少

卿令一子入監君無子子其弟東之子子翀君樞將  
發裕莊完君妻女以歸山陰唐王大書忠節畀之君  
生成化丙申年纔三十六也初君年少居父喪過禪  
猶毀先塋側有他人貧欲發塋以地售君君曰貧可  
忍是不可忍勿發吾周汝也君舉進士授刑部主事  
不能阿部長部長附吏曹議奏謫大名教授期年進  
今職所著蘭州集燬於賊手獨六思詩及賊退古詩  
數篇莊收之故傳君諱采字亮之浙江山陰人曾祖  
諱元善祖諱臻父諱獻字廷獻君配王氏生二女長

先生風  
帶稜稜

字倪文理次。幼某年月日東葬君於山陰筆架峯先  
塋之次。銘曰。取人以貌。君貌不揚。行道以官。君官伊  
卽。誕其抱心。如百煉剛。毅身云大。孰云義亡。食祿云  
小。無非我王。十五學道。三十六亡。伊誰知者。巡遠為  
朋。嗟嗟奸諛。愧用膽喪。王書伊真。帝命伊明。有烈其  
風。千萬年長。

崇慶州判恬菴先生崔公墓誌銘

昔柟受學於孫先生廷舉。孫先生受書於先生。先生  
遣季子官。又受書於柟。故先生志行柟得其真。不誣。

聖此州  
幕中河  
異一鶴  
羣鷄豈  
直苞羽  
翻蹀拂  
衣起舞  
應動隣  
娶

也先生先拜崇慶時梅在太學而孫先生為行人除  
館以養先生日所論說皆濟時行道語語及暴官污  
吏輒皆棄匕箸不食比先生至崇慶則曰抑權右解  
冤誣其要也於是陳副使之弟以侵田刑萬主事之  
姪以凌人罪諸權右即惴懾他日蕭監生誣其僥強  
盜穀二袋先生取袋實之穀令盜擔之盜短人跌不  
能行蕭即伏其誣娶婦廖氏者非人也與馬英隙因  
英暮過出馬於外以誣盜先生曰盜馬者必遠遁矣  
至是具得廖奸有群盜誣富民張益同行然其辭差



先生乃召益隱群皂中使諸盜各言益狀貌齟齬徐  
出益曰此其人乎皆曰非也益得不誣叩郾鄆溫諸  
盜百餘寇城先生受都御史委選用策士一朝盡擒  
之於是州人歌之曰崔公直如矢清如天權貴斂手  
無高言又歌曰趙酷刑唐善貪人心天理崔州判益  
先生奉身儉約祿秩外毫髮不取有民餽雙魚僧餽  
一茶者亦卻不受遇公讌必先返不夜飲每曰燭淚  
流處人淚流也至於革春讌之浮費寬甲里之雜飲  
皆州人所心悅者也然先生信行己志而權要者陰

使頑狡七訟先生於上官然卒無驗固數獎其廉能  
茂州倉弊萬端監收數得貲被罪去巡撫劉公曰非  
州判崔不可乃委先生然遇病風濕嘆曰此天留我  
也即上書求致仕劉公三差官察勘未允也昇先生  
親視之具道委茂州意先生辭之益懇劉公嘆曰知  
足知止無若子矣遂檄州給道里費二十五金於是  
州人涕泣塞道以送且曰自有州官以來未之見也  
初先生襁褓鄰媪撫其腹曰此兒後必顯貴既學生  
言論侃侃上下信服有韓叅政者按縣當月食韓竊

熟失救諸生不敢請先生以石擊其門韓驚起賞廩  
五斗嘆曰後必為忠臣父病澁下九十餘日諸兄弟  
姊妹生厭心先生獨涕泣侍側以簪引污下比歿哭  
幾喪明與兄和索居十年矣買地十畝兄欲之即破  
券畀之五畝當歲貢時劉知縣安贐金三十有刀民  
訟劉誣為賊又賂先生約勿任先生曰吾寧失歲貢  
不可失天理也後在太學祭酒司業皆器重之使同  
典簿收支月俸且曰利不可誘才足有為者此秀才  
也其既去崇慶也盛暑耘耔祁寒教授疏食菜羹一

三蒙二十年無憾容此其志雖古孝廉賢良方正何讓乎先生教人敦本尚實遊其門者皆有所得進士則孫先生舉人則鄭侃及臨潼賀有年貢士則來錦吳和宋釐也屬續之夕謂子孫曰汝輩今雖貧賤安分為樂他日或富貴毋驕傲遺臭於後官泣言後事不具則曰汝不知無財不可以為悅乎若強為之則孔聖不惜顏回曾子不易簞矣嗚呼世復有如斯人者耶先生諱璉字宗商號恬菴世為高陵郭下里人高祖均采配李氏生大大配石氏生總配杜氏生能

能配李氏生三子孟和季某先生其仲也生正統八年正月八日卒正德十五年二月五日壽七十有八歲初配魏氏卒繼配亦魏氏子男三富先魏氏出娶田氏死又娶高氏亦死乃又娶孫氏宏官後魏氏出宏娶李氏官縣學廩膳生娶杜氏女三長適羅傑次適楊得祿次字羅蒲俱後魏氏出孫男五莊娶孫氏芸芹幼皆富子芷蕙宏子孫女四長適董孟暘次適孫子玉餘幼俱富女曾孫女一擇是年四月二十八日合先魏氏葬邑城北先塋穆位銘曰 恬菴先生

之葬也。其子官具衾柩。呂栒具石。與文親為之書。周  
鳳儀鳳翔兄弟具鈇筆為之鐫。皆不出於官之先有  
求也。嗚呼先生其康哉。

涇野先生文集卷之三十四終